

**Oqaluuserisassanut nassuiaat.**

(Inatsisartut Siulittaasuut)

2023-mi upernaakkut ataatsimiinnermut oqaluuserisassat ulloq 21. marts tamanut saqqummiunneqarput.

Kingusinnerusukkut allannguutit ingerlaavartumik nalunaarutigineqartarsimapput oqaluuserisassallu nutarterneqarlutik.

Inatsisartunut Naalackersuisunullu ilaasortat oqaluuserisassat allanngortinneqarnissaannik oqaaseqarfiginissaannilluunniit kissaateqarunik, Inatsisartut ataatsimiinnissaat kingusinnerpaamik sapaatit akunneranik ataatsimik sioqqullugu, siulittaasoqarfimmut saaffiginninnissaannik qinnuigineqarsimapput.

Naalackersuisut immikkoortoq 45 tunuartippaat. Taassuma qulequtaraa: Meeqqanut tapiissutit pillugit Inatsisartut inatsisaannik, utoqqalinersiat pillugit Inatsisartut inatsisaannik, siusinaartumik pensionisiat pillugit Inatsisartut inatsisaannik, atuartunut tapiisarneq pillugu Inatsisartut inatsisaannik aamma ilinniagaqarnersiutit pillugit Inatsisartut inatsisaannik allannguinerit pillugit Inatsisartut inatsisaat. Immikkoortoq ulloq 20. april siullermeerneqartussaagaluarpoq.

Kiisalu oqaatigineqassaaq Inatsisartunut ilaasortat ataasiakkaat ilaasortat siunnersuutaasa saqqummiunneqartut kalaallisut qallunaatullu oqaasertalersorneqarnermikkut eqqortuunissaat namminneq akisussaaffigimmassuk. Oqaasertaliisimanikkut erseqqissaasoqarnissaa kissaatigineqarpat, iluarsiiissutit, siunnersuutip UPA2023-mi oqaluuserineqarnissaa sioqqulluarlugu Allattoqarfimmut nassiateqquneqarput.

Suleriaatsitsinni § 4, imm. 1 naapertorlugu oqaluuserisassanut nassuiaat isumaqatigiinniutigineqassanngilaq, taamaattumillu oqaluuserisassat pillugit naammagittaalliutit siulittaasoqarfimmut allakkatigut saaffiginnissutigineqartassapput.

Tamatuma kingorna oqaluuserisassat akuerineqartutut isigineqarput.

**Taasisarnerit pillugit uku akornanni isumaqatigiissuteqartoqarpoq:**

Hans Aronsen, Inuit Ataqtigiit aamma Hans Enoksen, Naleraq  
Knud Mathiasen, Inuit Ataqtigiit aamma Aqqalu C. Jerimiassen, Atassut  
Kristian Jeremiassen, Inuit Ataqtigiit aamma Nivi Olsen, Demokraatit